

समे — 12:25

<><><><><><>

Parliament

एक राष्ट्र एक चुनाव कन्ने सरबन्धित विधेयकेँ गी संसद दी सांझी समिति गी भेजी दिता गेआ ऐ। समिति च लोकसभा दे 27 सदस्य ते राज्यसभा दे 12 सदस्य न। एह समिति संसद दे अगले इजलास दे अखीरले हफते दे पैहले दिन तकर अपनी रिपोर्ट सदन गी सौंपी देग। लोकसभा दी कारवाई गी अनिश्चितकाल आस्तै स्थगित करी दिती गेआ। विपक्षी सासदेँ गृह मंत्री अमित शाह हुन्दे आस्सेआ डा. बी आर अम्बेडकर हुन्दे पर कीती गेदी कथित टिप्पणी दे चलदे संसद च शोर शराबा कीता। कारवाई गी स्थगित करी दित्ता गेआ। प्रधानमंत्री नरेन्द्र मोदी होर संसद दी कारवाई गी स्थगित करने दे मौके पर उत्थे मौजूद हे।

<><><><><>श

JK Meeting

केन्द्री गृह मंत्री अमित शाह होरें कल नमीं दिल्ली च जम्मू-कश्मीर बारेँ इक उच्च स्तरी बैठक दी प्रधानता कीती जेह्दे च लेफ्टिनेंट गवर्नर मनोज सिन्हा ते होर केई वरिष्ठ अधिकारिणं बी हिस्सा लैता। बैठक दरान जम्मू-कश्मीर च सुरक्षा ते रमानदारी गी बल देने बक्खी चेचे तौर पर ध्यान केन्द्रित कीता गेआ। गृह मंत्री होरें आतंकवादी घटनाएं च कमी, घुसपैठ रोकने ते आतंकी गुटें च नौजवानें दी भर्त्थी रोकने लेई कीते गेदे कामयाब जतनें ताई सुरक्षाबलें दी सराहना कीती। मुख्यमंत्री उमर अब्दुल्ला होरें कल नमीं दिल्ली च केन्द्री गृह मंत्री अमित शाह हुंदे कन्नै मलाटी कीती। इस मौके उनें जम्मू-कश्मीर दे मजूदा हालत, जम्मू-कश्मीर दे राज्य दे दर्जे दी संभावित ब्हाली ते प्रदेश दे लोकें दे कल्याण कन्नै जुड़े दे मामलें पर गल्लबात कीती।

<><><><><><>

PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम “मन की बात” राएं औंदी 29 दिसम्बर गी देश विदेश च रौह्ने आले श्रोताएं कन्नै अपने बचार सांझे करगंन। हर म्हीने दे खीरी ऐतवारें बडलै 11 बजे प्रसारत होने आले इस कार्यक्रम दी एह 117मीं किश्त होग। कार्यक्रम च शामिल कराने लेई लोक अपने बचार टोल फ्री नंबर 1800-11-7800 पर फोन करियै जां फही नरेन्द्र मोदी ऐप पर बी इस म्हीने दी 27 तरीक तगर भेजी सकदे न। मन की बात दा प्रसारण आकाशवाणी ते दूरदर्शन दे समूलचे नेटवर्क पर कीता जाग। एहदे इलावा एह प्रसारण ए.आई.आर न्यूज वेबसाइट ते न्यूज ऑन ए.आई.आर मोबाइल ऐप उपलब्ध होग। एहदे कन्नो कन्नी ए.आई.आर न्यूज, डी.डी न्यूज, प्रधानमंत्री हुंदे दफतर ते सूचना ते प्रसारण मंत्रालय दे यूट्यूब चैनलें पर बी एहदी लाइव स्क्रीनिंग उपलब्ध होग। आकाशवाणी परा मन की बात दे प्रसारण दे तुरत परैंत मकामी भाशाएं च एहदा प्रसारण बी कीता जाग।

<><><><><><>

Chief Justice

जम्मू ते कश्मीर ते लद्दाख हाई कोर्ट दे मुख् न्यायधीश ताशी राबसतनहोरें कल जम्मू कश्मीर कनूनी सेवा सरबंधी प्राचीकरण आस्सेआ डीएलएसए सांबा ते डोगरा लॉ कालेज दे सैहयोग कन्नै आयोजित इक गल्लबात आले सत्र च हिस्सा लैता। एहदा मकसद विद्यार्थिं गी समाज च जागरूकता ते न्यायिक प्रक्रिया बारे जानकारी फैलाने च उंदी भूमका बारे दस्सेआ दसाया गेआ। न्यायमूर्ति होर लॉ करा'रदे विद्यार्थिं गी आखेआ जे ओह लोक अदालत मे कनूनी जागरूकता आले कार्यक्रम च शमूलियत करन ते लोकें गी एहदे बारे जागरूक करन।

<><><><><><>

Transport Commissioner

ट्रांसपोर्ट कमीशनरजम्मू कश्मीर विशेष पाल महाजन हुंदी हिदायतें ते आरटीओ जम्मू हुंदे मार्गदर्शन हेठ कारवाई करदे होई जम्मू-उधमनुर राष्ट्रीय जरनैली शिड़क पर केई सारी थाहरें पर इक मुहिम चलाई गई। इस दरान मुख् करी ध्यान ओवर लोडिंग, गड्डी चलांदे होई मोबाइल फोन दे इस्तेमाल, हैलमेट नेई लाने, नंबर प्लेट कन्नै छेड़खानी करने, तेज रफ्तार जां शराब पीने मगरा गड्डी चलाने आले पर दित्ता गेआ। कुल 140गड्डिं दी जांच कीती गई। 36एं दे चलान कीते गे ते 4 गी जब्त कीता गेआ। इस दरान इक लक्ख 42 जहार

रपे दे ई—चलान बी कीते गे। एहदे अलावा खानपुर नगरोटा च शिड़क सुरक्षा जागरूकता शिविर बी लाया गेआ।

<><><><><><>

DC Rajouri TB

डिप्टी कमीशनर राजौरी अभिषेक शर्मा होरें तपेदिक अस्पताल दा दौरा लाइयै अस्पताल दे कम्मकाज दा जायजा लैता। एहदे कन्नै बी डीसी होरें निक्ष्य मित्रा पैहल तैहत्त होई दी प्रगति दा बी जायजा लैता। गौरतलब ऐ जे निक्ष्य मित्रा पैहल तपेदिक गी खत्म करने लेई शुरू कीती गेदी ऐ। अपने दोरे दरान डीसी अभिषेक शर्मा होरें अस्पताल दे अगले ते मरीजें कन्नै गल्लबात कीती। शर्मा होरें सेहत्त मैह्कमे दे अधिकारिएं गी तपेदिक दे मरीजें गी समें पर मदाद देने उप्पर जोर पाया। डीसी होरें इस मौके उप्पर मैडिकल स्पलाइज स्टोर दी बी जांच कीती जे पही जयश्री लाइब्रेरी दा दौरा लाइयै विद्यार्थिएं गी लाइब्रेरी दा प्रयोग करने आस्तै प्रोत्साहित कीता।

<><><><><><>

Surya Ghar

परती परतियै बरतोने आली ऊर्जा गी बढ़ावा देने दे जतन तैहत्त सांबा दे डिप्टी कमीशनर राजेश शर्मा होरें डीसी दफ्तर सांबा च पीएम सूर्य घर मुफ्त बिजली योजना बारे जागरूकता मेले दा उद्घाटन कीता। एहदा मकसद स्कीम उे लसह् बारे लोकें गी जानकार बनाना ऐ। एहदे तैहत्त घरें दिएं छत्तें पर सोलर पैनल लाए जाने न। प्रतिभागिएं गी इस दे लाह् बारे व्यापक जानकारी दित्ती गई। लोकें गी बिजली दे बिल घट्ट करने ते पर्यावरण संरक्षण दस्सेआ दसाया गेआ।

<><><><><><>

DC-Kathua

पोषण प्रोजेक्ट दी बेहतर ते कारगर ढंगै सिर अमलावरी आस्तै कठुआ दे डिप्टी कमीशनर डॉत्र राकेश मिन्हास होरें इक बैठक लाइयै एहदी प्रगति दा व्यापक जायजा लैता। बैठक च मुख् करी ध्यान सेहत्त सेवाएं, लोकें दे कल्याण सरबन्धी जतनें बच्चे दी पूरी पराती बेहत्तरी आस्तै ढांचागत सुधार पर दित्ता गेआ। बैठक दरान 143 आंगनवाड़ी केन्द्र लेई प्रस्ताह् दित्ता

गेआ जिंदे चा 127 थाहरें दी ताल सरकारी स्कूल च पैहल थमां गै कीती गेदी ऐ। डिप्टी कमीशनर होरें बाकी केन्द्रें लेई जमीन दी शिनाख्त करने आले कम्में गी तेज करने दियां हिदायतां दित्तियां। उनें पोषण दे शिकार बच्चें दी दिक्खभाल लेई बी गलाया।

<><><><><><>